



Dásseválddi presideantta válga 2018

Suoma riikkavuložat válljejit presideantta válggain guđa jagi gaskka.

Vuosttas válga:

- Válgabeaivi lea sotnabeaivi 28.1.2018
- Ovdajienasteapmi Suomas 17.–23.1.2018
- Ovdajienasteapmi olgoriikkain 17.–20.1.2018

Vejolaš nubbi válga:

- Válgabeaivi lea sotnabeaivi 11.2.2018
- Ovdajienasteapmi Suomas 31.1.–6.2.2018
- Ovdajienasteapmi olgoriikkain 31.1.–3.2.2018

Presideantta doaimmat

Presideanta nanne lágaid, maid riikkabeaivvit lea dohkkehan.

Presideanta jodiha Suoma olgopolitihka ovttas ráđđehusain.

Presideanta nammada oaiveministara ja eará ministariid doaimmaide. Lassin presideanta nammada duopmáriid ja muhtun alla virgeolbmuid.

Presideanta lea maddái Suoma bealuštanfámuid allahoavda. Soađis ja ráfis presideanta mearrida riikkabeivviid miehtama maŋŋá.

Gii oažžu jienastit?

Don oaččot jienastit presideantaválggain,

- Jus leat Suoma riikkavuloš
- Jus leat deavdán 18 jagi maŋimustá 28.1.2018.

Gean sáhtát jienastit?

Bellodagat ja válljensearvvit sáhttet ásahit evttohasaid presideantaválggaide. Evttohas galgá leat Suoma riikkavuloš. Juohke evttohasas lea iežas nummir. Presideantaevttohasat lea evttohasan oppa riikkas, nuba sáhtát jienastit dan evttohasa gean háliidat. Dieđu presideanta evttohasain oaččut ovdamearkan áviissain, televisios ja interneahtas.

Almmuhuskoarta bohtá ruoktot

Jus leat jietnavuoigadahttin, dutnje sáddejuvvo reive ruoktot. Reivves leat guokte almmuhankoartta, go presideantaválggain sáhttet leat guokte jienasteami.

Almmuhankoarttain lea diehtu jienastanbáikkis válgabeaivvi. Mielde lea maiddái logahallan ovdajienastanbáikkiin.

Okta dahje guokte jienasteami

Presideantaválggain sáhttet leat guokte jienasteami. Jus muhtun evttohas oažžu vuosttas jienasteamis badjel beali jienain, son válljejuvvo njuolga presideantan.

Jus giige evttohas ii oaččo badjel beali jienain, ordnejuvvo nubbi jienasteapmi.

Vuosttas jienasteapmi lea 28.1.2018.

Vejolaš nubbi jienasteapmi lea 11.2.2018.

Ruovttujienasteapmi

Jus leat váddásit lápmašuvvan dahje guhkesáigge buohcci, sáhtát jienastit ovddalgihtii ruovttustat. Ruovttujienasteamis oaččot lasi dieđuid iežat gieldda guovddášválgalávdegottis. Lávdegotti telefonnummir lea almmuhankoarttas.

Ná jienastat ovddalgihtii

Sáhtát jienastit presideantaválggas ovddalgihtii man beare ovdajienastanbáikkis.

Ovdajienasteapmi lea 17.–23.1.2018. Jus presideantaválggas ordnejuvvo nubbi jienasteapmi, dan ovdajienasteapmi lea 31.1.–6.2.2018

Váldde jienasteapmái mielde personduođastusa, ovdamearkan pássa, personkoartta dahje vuodjinkoartta.

1. Čájjet personduođastusa válgavirgeolbmui.
Virgeolmmoš dárkkista dan ja addá dutnje jienastanlihpo.

2. Váldde mielde jienastanlihpo ja mana jienastančoskii.
Čále jienastanlihppui čielgasit
dan evttohasa nummira, gean jienastat.
Ále čále jienastanlihppui maidige eará.
3. Máhco jienastanlihpo gasku.
4. Máhca válgavirgeolbmo lusa.
Son steampilastá jienastanlihpo
ja addá dutnje ruškes válgakonfaluhta.
Bija jienastanlihpo konfaluhttii ja liibme dan gitta.
5. Válgavirgeolmmoš bivdá du vuolláičállit skovi.
Vuolláičállosiin dáhkídat, ahte leat ieš deavdán jienastanlihpo,
ožžon dasa steampila ja gidden dan konfaluhttii.
6. Loahpas virgeolmmoš gidde válgakonfaluhta ja skovi fiskes sáttakonfaluhttii.

Go leat jienastan, sáhtát vuolgit ovdajienastanbáikkis.

Ná jienastat válgabeaivvi

Válgabeaivvi jienastanbáikkít leat rabas diibmu 9–20. Dárkkis almmuhankoarttas, gos du jienastanbáiki lea.

Váldde jienastussii mielde personduođastusa, ovdamearkan pássa, personkoartta dahje vuodjinkoartta.

1. Čájjet personduođastusa válgavirgeolbmui.
Virgeolmmoš dárkkista dan ja addá dutnje jienastanlihpo.
2. Váldde mielde jienastanlihpo ja mana jienastančoskii.
Čále jienastanlihppui čielgasit
dan evttohasa nummira, gean jienastat.
Ále čále jienastanlihppui maidige eará.
3. Máhco jienastanlihpo gasku.
4. Máhca válgavirgeolbmo lusa.
Son steampilastá jienastanlihpo.

5. Luoittel jienastanlihpo válgaurdnii.

Go leat jienastan, sáhtát vuolgit ovdajienastanbáikkis.

Geas oaččot veahki?

Válgavirgeolbmot rávvejit du válgabáikkis sihke ovdajienasteamis ja válgabeaivvi.

Válgabáikkis lea maiddá válgaveahkki. Sáhtát bivdit su veahkin váлгаčoskii, jus it ieš bastte deavdit jienastanlihpo.

Válgaveahkin sáhtá doaibmat maiddá olmmoš, gean ieš leat válljen, ovdamearkan oapmahaš dahje lagašolmmoš. Veahkin ii goittotge sáhte leat evttohas iige evttohas lagašolmmoš. Válgaveahkki ii oaččo mitalit geasage, gean jienastit.

Válgasuollemasvuolta

Juohkehaš mearrida ieš, háliidago jienastit ja gean jienastit.

Válgasuollemasvuolta oaivvilda maiddá dan, ahte it dárbbas mitalit geasage, gean jienastit.

Jienas presideantaválggain!

Lassidiehtu jienasteamis:

vaalit.fi